



**Enchiridion Piarvm Meditationvm In Omnes Dominicas,
Sanctorvm Festa, Christi passionem, & cætera**

Busaeus, Johannes

Mogvntiæ, M. DCVI.

4. Domin. II. post Epip. de nuptijs in Cana Galilææ. Ioan. 2.

[urn:nbn:de:hbz:466:1-70978](#)

MEDITATIONES IN

nunc Ioseph, quas querelas deposuerint.
Quomodo vicissim eas solatus. Quantum
Doctores illū laudarint coram ipsis. 2. disce
Christum inueniri in templo, non inter
cognatos & carnāles homines. Disce & hu-
militatem, ut non pudeat alios audire, &
interrogare quæ nescis.

DOMINICA II. POST EPL
PHANIAM.

De nuptiis in Cana Galil. Ioan. 2.

2. *In iuitatu fuit Christus cum discipulis suis ad nuptias.* Considera primò humilitatē Christi, qui non deditur ire ad nuptias in opum. defecrat enim iis. vinum. 2. mysterium, quia matrimonium est symbolum coniunctionis Christi cum Ecclesia, cuius tu es membrum; ut scias, sicut post nuptias sponsa non potest amplius diuelli à sposo, sic nec te à Christo, eoque magis, si per votum castitatis eum in sponsum elegeris. 3. scopum Christi; ideo enim adiit nuptias, ut fructum & temporalem & spirituailem iis afferet.

2. *Deficere vinum mater Christum monuit.*
(*Vinum non habent*) *Et ministris dixit. Quod- cunq[ue] dixerit vobis facite.* Considera pri-

Ephes. 5.

220

DOMIN. TOTIVS ANNI. 49

mō, sicut olim B. Virgo per suam humilitatem dicendo, *Ecce ancilla Domini, fiat mihi secundum verbum tuum, causam dedit summo miraculo Incarnationis, ut Deus fieret homo, sic nunc per caritatem causam dedisse primo Christi miraculo, ut aqua fieret vinum: 2. si sollicita fuit non solum de defectu vniuersali per aduentum Messiae tollendo, sed & de particulari harum nuptiarum; sollicitam quoque fore de tuis defectibus corporalibus & spiritibus tollendis, si eam inuocaris. 3. quod ita sit sollicita de nobis, ut velit nos etiam cooperari.* Nam dicit ministris. *Quodcumque, &c. cooperamus autem, si libenter faciamus quicquid Christus nobis inspiravit, si voluntatem nostram cum diuinis in omnibus conformemus.*

*Aquam in vinum Dominus conuertit (Et manifestauit gloriam suam, & crediderunt in in eum discipuli eius.) Considera hoc pri-
mum miraculum Christi, typum esse ultimi miraculi facti ante passionem in insti-
tutione S. Eucharistie, quando panem in corpus suum, vinumque in sanguinem cō-
vertit; ut discas huic potius sacro conui-
nio, quam illi nuptiali profano sāpe inter-
esse. 2. Considera te verum imitatorem*

A s Chri-

X. MEDITATIONES IN

Christi fore, si ita inter homines verteris,
ut aquam primo in vinum conuertas, id
est, peccatores coneris facere iustos, bonos
meliores: deinde omnia ad gloriam Dei,
non tuam agas. Et, statiorum sis magister,
ac superior, discipulos & subditos, tua do-
ctrina & sanctitate reddas in fide firmio-
res, & amore Dei feruentiores.

II. MEDITATIO.

1. **D**ICIT Euangelista. (*Et mater Iesu-
rat tibi*) id est, nuptiis. Considera il-
lam ibi fusse, antequam Christus adueni-
set Cur vero praevenit? nisi ut operam suā
illis offertet in parandis nuptiis, & ut inci-
taret ad Christum inuitandum? hoc est, ut
caritatem perfectam corporalem & spiri-
tualem erga eos declararet. Secundo, ubi
B. Virgo est, vel colitur, ibi continuo adesse
Christū cum suis sanctis: Non potest filius
abesse à matre, nec magister à discipulis.
Gaudet ergo, si insodalit. B. Virginis verse-
ris, vel singulari devotione eam colas; nam
certus esse debes Christum tibi cum o-
mnibus sanctis affuturum.

2. **D**icit eis Iesvs (*implete hydrias aqua.
Et impleuerunt eas usque ad summum.*) Con-
sidera primo, licet miraculum ex sola Dei
virtute

DOMIN. TOTIVS ANNI. ^{ie}

virtute pendeat, Christum tamen nostrum quoque conatum postulare, quamuis difficultatem nonnullam habeat conuictā; erant enim maximæ hydriæ. deinde, conatum nostrum esse debere non qualem cunque sed perfectum. quia ministri impleunt eas ad summum. vnde vulgo dicitur. Deum nemini deesse sua gratia, si faciat, quod in se est. 2. nos habere hydriæ sex implendas, animam, corpus, intellectum, voluntatem, sensus internos & externos. thesaurum enim gestamus, ^{2. Cor.} vt ait Apostolus, ^{in vasis fictilibus;} sed implendæ sunt aqua ^{4.} contritionis & lacrymarum, ^{Psal. 50.} vt conuertantur in vinum gratiæ. Cor enim contritum & humiliatum Deus non despicies, ait David.

Architrichinus dicit sponso. Omnis homo primo bonum vinum ponit, deinde quod dete rius est. Considera mores hominum mundi contrarios esse moribus & legibus veri spōsi Chr sti: illi enim primo vinum bonum suis in hac vita apponunt. i. voluptates, honores, & opes, deinde vero deterius, nempe crucē conscientiæ, desperationem, damnationem æternam. Christus vero commendat suis paupertatem, fletum, crucem, tribulationes in hac vita, deinde vero thesau ros magnos in cœlo ac æterna gaudia. Vi de ru-

¶ MEDITATIONES IN

de tu viros malis sequi B. Augustinus certe
Christum maluit quam mundum, cum di-
ceret, *Hic vire, hic seca Domine; modo in ater-
num parcas.*

DOMINICA III. POST EPIPH.

De Leproso, & Centurionis seruo,

Matth. 8.

¶ *L*EPROSUS adorato Christo dixit (Domini-
ne, si vis, potes me mundare) Considera
primò, Christum post descensum ex mon-
te, in quo multa dixerat de dilectione pro-
ximi, iam venire ad proxim, & exercere il-
lam: ut discas doctrinam debere responde-
re cū vita. Diligere enim debemus proxi-
mū non tantū verbo, sed opere & veritate,
ut loquitur B. Ioannes. 2. Vide quid faciat
leprosus. ut imperret sanitatem. humiliat
se, fidem suam magnam opere adoratio-
nis, protestatur, agnoscit, & fatetur se le-
prosum, solique diuinæ voluntati se com-
mittit, dicens: *Si vis, potes.* ut discas tum or-
ationem tuam fore efficacem, si humili-
ter petas, & cum resignatione, ut tantum
voluntas Dei fiat, siue sanus, siue infirmus
esse debeas; forte enim hic leprosus si in-
firmus non fuisset. Christum non quæ-
suerat.

FXXI